



Broj: 08-01-03/2-11-2-1172-30/24

Dana: 12.07.2024. godine

Na osnovu člana 20. stav (2) tačka n) Zakona o unutrašnjim poslovima Zeničko-dobojskog kantona ("Službene novine Zeničko-dobojskog kantona", broj: 13/18, 6/19, 22/19, 21/20, 10/21 i 8/23), u vezi sa članom 69. stav (2) tačka d) i članom 70 stav (1), (4) i (6) Zakona o javnim nabavkama ("Službeni glasnik BiH", broj: 39/14 i 59/22), na Preporuku Komisije za javne nabavke roba, usluga i radova iz Zapisnika o pregledu i ocjeni ponuda broj: 08-01-03/2-11-2-1172-21/24 od 08.07.2024. godine, u postupku javne nabavke "LOT 5: Nabavka uređaja za potpis, akviziciju i snimanje", ministar Ministarstva unutrašnjih poslova Zeničko-dobojskog kantona, d o n o s i:

ODLUKU

o poništenju postupka javne nabavke, za "LOT 5: Nabavka uređaja za potpis, akviziciju i snimanje"

Član 1.

Poništava se postupak javne nabavke za "LOT 5: Nabavka uređaja za potpis, akviziciju i snimanje".

Član 2.

Ova Odluka objavit će se na web stranici ugovornog organa (www.mupzdk.gov.ba), istovremeno sa upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama.

Član 3.

Odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, u skladu sa članom 71. stav 2. Zakona o javnim nabavkama.

O b r a z l o ž e n j e

Na osnovu Odluke o pokretanju postupka broj: 08-01-03/2-11-2-1172/24 od 29.04.2024. godine, Obavještenja o nabavci broj: 488-1-1-31-3-39/24 od 10.05.2024. godine i Ispravke obavještenja o nabavci broj: 488-1-1-31-8-48/24 od 03.06.2024. godine, proveden je otvoreni postupak javne nabavke "LOT 5: Nabavka uređaja za potpis, akviziciju i snimanje". Procijenjena vrijednost nabavke je iznosila 27.426,30 KM bez uključenog PDV-a. Sažetak obavještenja o nabavci broj: 488-1-1-31-3-39/24 objavljen je dana 17.05.2024. godine u "Službenom glasniku BiH", broj: 34, a Ispravka obavještenja o nabavci broj: 488-1-1-31-8-48/24 objavljena je dana 07.06.2024. godine u "Službenom glasniku BiH", broj: 39. Komisija za javnu nabavku imenovana je Rješenjem o imenovanju Komisije za javnu nabavku broj: 08-01-03/2-11-2-1172-8/24 od 11.06.2024. godine.

Komisija je sačinila Zapisnik o prijemu ponuda broj: 08-01-03/2-11-2-1172-19/24 od 24.06.2024. godine i Zapisnik sa otvaranja ponuda broj: 08-01-03/2-11-2-1172-20/24 od 24.06.2024. godine, na osnovu kojih je ugovorni organ konstatovao da je Komisija blagovremeno i pravilno izvršila otvaranje ponuda, o čemu je sačinila gore pomenute Zapisnike, iz kojih je utvrđeno da su se do roka određenog za dostavljanje ponuda 2 (dva) ponuđača prijavilo na predmetno javno nadmetanje i to ponuđači: "ELUR" d.o.o. Kiseljak i "IMTEC" d.o.o. Sarajevo.

Nadalje, Komisija je sačinila Zapisnik o pregledu i ocjeni ponuda broj: 08-01-03/2-11-2-1172-21/24 od 08.07.2024. godine, te utvrdila da:

Ponuđač IMTEC d.o.o. Sarajevo nije kvalifikovan za LOT 5 obzirom da nije postupio u skladu sa tačkom 13.2. tenderske dokumentacije u pogledu dostavljanja prospekta-kataloga, imajući u vidu da za stavku 8. iz Aneksa II-obrazac za cijenu ponude nije dostavio prospekt-katalog iz kojeg bi se vidio tip, vrsta i marka robe koju nudi.



Ponudač "ELUR" d.o.o. Kiseljak nije kvalifikovan za LOT 5 iz razloga što ponuđena roba ne ispunjava zahtjeve u pogledu opisa predmeta nabavke i tehničkih specifikacija kako slijedi: Prema Obrascu za cijenu ponude-robe Aneks II, pod stavkom 5 treba biti lažna baterija za stalno napajanje digitalnog fotoaparata, a prema dostavljenom katalogu za ovu stavku je ponuđena original baterija za digitalni fotoaparat Nikon Z 50.

Cijeneći naprijed navedeno, primjenom člana 69. stav (2) tačka (d) Zakona o javnim nabavkama, odlučeno je kao u dispozitivu.

PRAVNA POUKA:

Svaki privredni subjekat koji ima ili je imao interes za dodjelu ugovora o javnoj nabavci i koji učini vjerovatnim da je u konkretnom postupku javne nabavke bila ili je mogla biti prouzrokovana šteta zbog postupanja ugovornog organa, a koja se u žalbi navodi kao povreda ovog zakona i podzakonskih akata od strane ugovornog organa, u postupku javne nabavke, ima pravo uložiti žalbu na postupak u pisanoj formi u roku od 10 (deset) dana od dana prijema ove Odluke. Žalba se izjavljuje Uredu za razmatranje žalbi Bosne i Hercegovine, putem ugovornog organa, u pisanoj formi direktno, elektronskim putem, ili preporučenom poštanskom pošiljkom. Žalba se podnosi u najmanje 3 (tri) primjerka.

DOSTAVLJENO:

1. Ponuđači, 1x-
2. Sektor za podršku, 1x.-
3. Spis, 1x.-

